

Cyfleoedd Cyllido Ymchwil 2020/2021: Cymrodoriaethau Newydd i Ymchwil

Mae'n bleser gan RCBC (Cydwethrediad Cynyddu Gwaith Ymchwil) Cymru (<http://www.rcbcwales.org.uk>) gyhoeddi cyllid ar gyfer Cymrodoriaethau Newydd i Ymchwil (FiR) mewn Nyrsio, Bydwreigiaeth, Fferylliaeth a Phroffesiynau Iechyd Cysylltiol i gychwyn **1 EBRILL 2021**. Gwahoddir ceisiadau gan weithwyr proffesiynol iechyd cymwys am gymrodoriaethau a ariennir gan RCBC Cymru ac a gyllidir drwy Ymchwil Iechyd a Gofal Cymru. Dyfernir y Cymrodoriaethau i'r Prifysgolion cydwethrediadol (rhestrir y sefydliadau isod).

Bydd RCBC Cymru yn ariannu Cymrodoriaethau Newydd i Ymchwil am un diwrnod yr wythnos am 12 mis.. Mae'r Cymrodoriaethau wedi'u targedu at newydd-ddyfodiaid i faes ymchwil neu at y rhai sy'n dymuno datblygu hyder ym maes ymchwil, i weithio ar brosiectau sy'n chwilio am atebion i gwestiynau perthnasol i Nyrsio, Bydwreigiaeth, y Proffesiynau Iechyd Cysylltiol a Fferyllwyr yn y meysydd penodol. Rhaid i'r prosiectau fod yn rhai y gellir eu cyflawni o fewn yr amser ac yn delio â sbectrwm eang o weithgaredd yn amrywio o strategaethau sefydliadol i ymchwil unigol mwy arwahanol.

Nod arian y Cymrodoriaethau FiR ydy cyfrannu at ryddhau'r Cymrawd o'i leoliad gwaith am ddiwrnod yr wythnos. Goruchwylyr y Gymrodyr gan ymchwilwyr profiadol a bydd yn cael mynediad i ddulliau hyfforddi ymchwil y brifysgol sy'n lletya. Un o amodau'r Gymrodoriaeth ydy bod pob Cymrawd yn dod yn aelod o Gymuned yr Ysgolorion (CoS) a mynychu dyddiau astudio'r CoS. Bydd gofyn i Gymrodyr gyflwyno eu hymchwil ar ddiwedd cyfnod y dyfarniad mewn digwyddiad Cymuned yr Ysgolorion.

Dylai pob ymgais ymrwymo i themâu a blaenoriaethau Ymchwil Iechyd a Gofal Cymru a'r sefydliad y maen nhw'n gwneud cais iddo i gynorthwyo a datblygu ymchwil rhagorol sy'n cael effaith bositif ar iechyd, llesiant a ffyniant pobl yng Nghymru. Gall y rhain gynnwys astudio unrhyw agwedd o nyrsio, bydwreigiaeth, gofal iechyd cysylltiol neu fferylliaeth sy'n ffocysu'n benodol ar:

- rolau proffesiynol newydd a datblygol
- gofal integredig
- egwyddorion gofal iechyd darbodus, h.y.:
 - cleifion a gweithwyr proffesiynol yn bartneriaeth gyfartal drwy gyd-gynhyrchu
 - gofal yn gyntaf ar gyfer y rhai sydd â'r angen mwyaf o ran iechyd
 - gwneud yr hyn sydd ei angen yn unig a pheidio â gwneud niwed
 - lleihau amrywiad anaddas drwy ddulliau yn seiliedig ar dystiolaeth.

Meini Prawf cymhwysra

- Rhaid bod ymgeiswyr wedi cofrestru yn y DU fel Nyrs, Bydwraig, neu Fferyllydd neu weithiwr Proffesiynol Cysylltiol (h.y. rhaid eu bod wedi'u cofrestru gyda'r NMC, HCPC neu'r GPC pan fyddan nhw'n cychwyn yr astudiaeth). Ceir diffiniad o Swyddi Iechyd Perthynol yng Nghofrestr Cyngor Proffesiynau Iechyd. (gweler <http://www.hpc-uk.org/aboutregistration/professions/>) ac yn cynnwys tua 16 o broffesiynau iechyd. Gallai gwyddonwyr biofeddygol a chlinigol fod wedi cofrestru gyda'r HCPC neu wedi'u cofrestru drwy drefniadau rheoliadol gwirfoddol drwy'r Academi Gwyddorau Gofal Iechyd. Sylwer, does gan RCBC Cymru mo'r cyllid i ystyried ariannu gweithwyr proffesiynol tu allan i'r grwpiau gofal iechyd hyn.

- Fel arfer, mae angen i ymgeiswyr feddu ar radd gyntaf neu gyfwerth o Brifysgol neu Sefydliad a gydnabyddir gan y 6 Sefydliad Addysg Uwch sy'n ymwneud â RCBC Cymru.
- Rhaid i ymgeiswyr llwyddiannus breswyllo yng Nghymru drwy gydol cyfnod y dyfarniad.
- Sylwer nad yw RCBC Cymru yn gorff sy'n cyflogi a rhaid i bob Cymrawd fod mewn cyflogaeth yng Nghymru er mwyn derbyn Cymrodoriaeth.

Rheolir y broses recriwtio ar gyfer Cymrodoriaethau Newydd i Ymchwil gan Brifysgol De Cymru gyda mewnbwn gan y prifysgolion cydweithrediadol. Lleolir y Cymrodoriaethau o fewn grwpiau ymchwil sefydledig o fewn yr Ysgolion/Adrannau a restrir isod. Neilltuir o leiaf un goruchwylydd ar gyfer yr holl gymrodyr, a'r prif fentor yn dod o un o Ysgolion/Adrannau partneriaeth yr RCBC.

Y Broses o Wneud Cais		Dedlein/Dyddiadau allweddol
Cam 1	Cysylltu ag Arweinydd Gweithredol yn eich dewis cyntaf o brifysgol er mwyn trafod eich darpar gais ac i bennu ac enwi goruchwylydd	Yn syth a chyn cyflwyno eich ffurflenni gwirio cymhwystra
Cam 2	Ffurflenni gwirio cymhwystra i'w cwblhau a'u dychwelyd at: marina.mcdonald@southwales.ac.uk	14 HYDREF 2020
Cam 3	Er mwyn cynorthwyo i fireinio'u syniadau gwahoddir ymgeiswyr cymwys i gymryd rhan mewn gweminar gydag arbenigwyr mewn cynllunio ymchwil, dulliau ansoddol a meintiol, ymglymu cleifion a gwella gwasanaeth. Byddan nhw hefyd yn ystyried manteisio i'r eithaf ar effaith eu prosiect a rheoli eu prosiect	Cynhelir y weminar 21 HYDREF 2020.
Cam 4	Gwahoddir ymgeiswyr cymwys i gyflwyno ffurflen gais lawn o'u cynnig	4 RHAGFYR 2020
Cam 5	Ar ôl llunio rhestr fer o geisiadau o'r cynigion llawn, dewisir drwy gyfweiliad.	Cynhelir cyfweiliadau ar 11 IONAWR 2021
Cam 6	Bydd Cymrodoriaethau yn cychwyn	1 EBRILL 2021

Hysbysir yr ymgeiswyr o fewn 10 diwrnod gwaith o dderbyn y gwiriad cymhwystra a ydyn nhw'n cwrdd â'r meini prawf cymhwystra.

Ceir y ffurflenni cais perthnasol a chyfarwyddyd pellach (gan gynnwys manylion y cyllido) ar www.rcbcwales.org.uk

Am wybodaeth am gyfleoedd penodol, cysylltwch â'r sefydliadau perthnasol yn uniongyrchol (manylion cyswllt isod). O ran ymholiadau cyffredinol, cysylltwch â Marina McDonald, RCBC Cymru/Wales, Prifysgol De Cymru. E-bost: marina.mcdonald@southwales.ac.uk

Sefydliadau Cydweithrediadol a Chysylltiadau:

Prifysgol De Cymru
Cyfadran Gwyddorau Bywyd ac Addysg
Arweinyddion Gweithredol: Dr Gina Dolan
E-bost: gina.dolan@southwales.ac.uk
Neu'r Athro Joyce Kenkre
E-bost: joyce.kenkre@southwales.ac.uk

Prifysgol Bangor
Ysgol Gwyddorau Gofal Iechyd
Arweinydd Gweithredol: Dr Lorelei Jones
E-bost: lorelei.jones@bangor.ac.uk

Prifysgol Metropolitan Caerdydd
Ysgol Gwyddorau Iechyd
Arweinydd Gweithredol: Dr Robert Mayr
E-bost: rmayr@cardiffmet.ac.uk

Prifysgol Caerdydd
Ysgol Astudiaethau Gofal Iechyd
Arweinyddion Gweithredol: Yr Athro Danny Kelly
E-bost: KellyDM@cardiff.ac.uk
Neu Dr Paul Gill
E-bost: GillP3@cardiff.ac.uk

Prifysgol Glyndŵr
Adran Gwyddorau Cymdeithasol ac Addysg
Arweinydd Gweithredol: Dr Joanne Pike
E-bost: j.pike@glyndwr.ac.uk

Prifysgol Abertawe
Ysgol Gwyddorau Iechyd
Arweinydd Gweithredol: Yr Athro Jaynie Rance
E-bost: j.y.rance@swansea.ac.uk